

Pertandingan mewarna meriah

SEREMBAN 16 Nov. - Muhamad Zulfadhli Zakaria, 12, muncul juara dalam pertandingan mewarna kategori 10 hingga 12 tahun yang diadakan di Universiti Sains Islam Malaysia (USIM) sempena Pesta Konvo USIM Ke-12 di sini hari ini.

Kejayannya itu membolehkan Muhamad Zulfadhli dari Puchong Perdana menerima hadiah RM200 beserta hamper dan hadiah iringan lain.

Majlis penyampaian hadiah disempurnakan Naib Canselor USIM, Prof. Datuk Dr. Musa Ahmad yang turut melawat tapak pameran Kumpulan Utusan sempena Pesta Konvo USIM Ke-12.

Tempat kedua disandang oleh Yong Kai Wen, 12 dari daerah ini, sementara Jannatul Firdaus Nazruddin, 10, sekadar berpuas hati di

tempat ketiga dengan masing-masing membawa pulang hamper dan hadiah iringan.

Sementara itu bagi kategori tujuh hingga sembilan tahun, tempat pertama menjadi milik Sue Joe Sern, 9, dari Port Dickson yang turut membawa pulang RM200 beserta hamper dan hadiah iringan lain.

Firas Irdina Ahmad, 7, dari Melaka di tempat kedua sementara Nur Alya Aqillah Ariffin, 9, (ketiga), masing-masing menerima hamper dan hadiah iringan.

Bagi kategori prasekolah pula, Kaseh Nurjannah Khairuddin, 6, mengungguli kategori itu, sekali gus menerima RM200, hamper dan hadiah iringan.

Tempat kedua pula milik Yong

Kai Zhi, 5, juga dari daerah ini manakala Sharifah Balqis Damia Syed Mahdzar (ketiga) dan keduanya membawa pulang hamper dan hadiah iringan.

Dalam pada itu, Penolong Pengurus Pengedaran Utusan, Mohammad Fahmi Asraf Khan ketika ditemui memberitahu, pihaknya menerima 150 penyertaan dalam pertandingan tersebut.

Katanya, pertandingan menggalakkan peserta mempamerkan keupayaan, kebolehan dan kreativiti mereka menerusi lukisan.

"Kita akan teruskan pada masa akan datang bagi membolehkan kanak-kanak diberi peluang mempamerkan bakat mereka dalam seni lukisan," katanya.



MUSA AHMAD (dua dari kanan) dan **Mohammed Fahmi Ashraf Khan** (tiga dari kanan) bersama pemenang pertandingan mewarna anjuran Utusan pada Pesta Konvo USIM Ke-12 di Nilai, semalam.